

經心書院與地學課程

一
冊

山西 唐虞夏都此詳後 巡撫治太原府附

郭爲陽曲縣陽曲漢時置紀要故城在縣東北
八十里或曰在西北百餘里應劭曰河千里一
曲縣當其陽故曰陽曲省稱山西者以在太行
山之西紀要所謂自鎮定澤潞諸州而言則曰
山東西是也鎮今直隸正定府定今直隸定州
澤潞卽今山西澤州潞安二府

省領府九直隸州十屬州六縣八十五又歸綏道屬
廳七東西相距八百八十里南北相距一千六百三

十里

或作東西六百里南
北約千三百五十里

首府太原在

京師西南

一千一百五十里

見會典一統志
則一千二百里

於北極爲出地三

十七度有奇於順天爲偏西四度而弱

約本胡文忠
圖及經緯度

里表餘
省治同

星野史記稱晉之疆亦候在辰星占於參罰

冀州昂畢并州營室至東壁

周時自太原
北屬并州

漢書地理

志謂趙地昂畢之分壘西有太原定襄雲中上黨皆

趙分也地志又於魏地列河東秦地列西河魏星野

觜觿參畧同秦星野雖異西河實亦兼有晉地

府九直州十以各處道所轄言之前所謂首冀甯道

係太汾潞澤遼沁平者府曰太原汾州潞安澤州州
曰遼沁平定所謂次河東道係平蒲解絳霍隰者府
曰平陽蒲州州卽解絳霍隰所謂次大朔甯忻代保
此卽雁平等處道府曰大同朔平甯武州曰代忻保
德所謂又次歸綏道在北邊牆外所轄七廳者曰薩
拉齊曰清水河曰托克托曰甯遠曰和林格爾益以
管錢穀事之綏遠同知管刑名各事之歸化同知是
爲七廳

州縣名繁圖書具
在不悉及餘省同

漢太原郡卽今省會太原府定襄郡紀要在大同府

西北三百餘里盛樂城爲漢定襄郡治此卽今邊外
歸化城各地雲中郡紀要在大同府西北四百餘里
故雲中城卽秦漢時雲中郡所治雲中縣謂之雲中
者虞氏記趙武侯於河西造大城其一箱崩不就改
卜陰山河曲禱焉畫見羣鵠遊於雲中通鑑地理通
釋作羣鵠遊
於雲中光在其下云云卽其處築城因名準以地望
前但作趙侯無武字
在今薩拉齊廳之西北上黨郡卽今潞安府各處魏
河東卽今平陽府秦西河凡省內汾州府以西北皆
是

再貢冀州厥土惟白壤厥田惟中中

周官夏官職方氏河內曰冀州其山鎮曰霍山其澤藪曰楊紆其川漳其浸汾潞其利松柏其民五男三女其畜宜牛羊其穀宜黍稷

霍山一名太岳亦曰霍太山周二百餘里今爲中鎮卽禹貢所謂至于太岳者紀要山在霍州東南三十里洪志南接趙城洪洞二縣界按南接之南係從霍州言自山視之則當云西南以正南爲岳陽縣所謂山南曰陽也楊紆未詳鄭注已然餘說難據漳水有二清漳出

今平定州大黿谷向云出州屬樂平縣今州但有樂平鄉駐以州判教諭不復置縣濁漳出今潞安府長子縣西發鳩山汾水出今太原府崞嵐州管涔山詳見下潞亦有二一在直隸境內今爲京東北運河眾稱白河亦曰潞河係唐杜佑通典所指者此則在今潞安府潞城縣闡駟所謂潞水卽漳水也或疑不當旣言漳又言潞沿革表附錄潞國在此自以潞水得名所謂其川漳者蓋但指清漳言耳然或以濁漳漳匯在潞地統言之曰其川漳析言之則曰其浸潞亦

無不可

朱子語類河東地形極好乃堯舜禹故都今晉州河中府是也左右多山黃河繞之嵩華列其前

語類卷二
輔廣記

宋晉州卽今平陽府各處河中府卽今蒲州府各處所謂嵩華列其前嵩山在其前之左華山在其前之右華山說文解字本作嶓上從山

朱子又曰上黨卽今潞州春秋赤狄潞氏卽其地也以其地極高與天爲黨故曰上黨上黨太行山之極高處平陽晉州蒲坂山之盡頭堯舜之所都也河東河北諸

州如太原晉陽等處皆在山之兩邊窠中山極高闊

川伊

云太行千里一塊石

又問平陽蒲坂自堯舜後何故無人建都曰

其地磽瘠不生物人民朴陋儉嗇故惟堯舜能都之

語類

卷二沈

欄記

案宋潞州卽今潞安府上黨云者元利志引釋名黨所也在於山上其所最高故曰上黨語自可從此謂與天爲黨朱子亦本昔人舊訓律以崧高維嶽駿極于天之詠用以形容潞州地高語亦特肖蒲坂故城洪志在今蒲州府附郭永濟縣東南與今府城相連

周九里一百三十步

又案河東河北諸州皆在山之兩邊。集中河東卽山
西省地。河北卽今直隸及河南彰衛懷諸府地。如正
定之井陘阜平。彰德之林縣涉縣各處皆踞山上。朱
子但云太原晉陽。此是舉西以該東南。不可泥太原
晉陽一在河東一在河北。况明有等處二字在。

又曰太行一千里。河北諸州皆旋其趾。潞州上黨在山
脊最高處。過河便見太行在半天。如黑雲然。

語類
卷二

案昔人言太行者。多以爲太行連互。訖於幽州。凡數

千里胡氏禹貢雖指特舉考亭此條及上伊川語謂

說禹貢者當以程朱爲正胡氏治禹貢號稱精博此

處不以軍都關

今居庸

一帶厠諸各徑之內其識自卓

惟蜚

飛同

狐蒲陰雖爲恆山所隔尙在桑乾河南與太

行山脈初係相接不妨姑仍舊說蒲陰卽今紫荊關

又曰冀都是正天地中間山脈從雲中發來雲中正高

脊處自脊以西之水則西流入於龍門西河自脊以東

之水則東流入於海前面一條黃河環繞右畔是華山

聳立爲虎自華來至中爲嵩山是爲前案遂過去爲泰

山聳於左。是爲龍。淮南諸山。是第二重案。江南諸山及五嶺。又爲第三四重案。

語類卷二陳淳記黃義剛同

今案語類此條。朱子雖本戴記前朱鳥左青龍右白虎及形家之法立說。實則海內大勢。北幹山脈。陰陽自然之象。扼要提綱。楚楚在目。御纂性理精義。特從語類採入第十卷理氣類地理首章。學人不可不畱意。

紀要山西之形勢。最爲完固。關中而外。吾必首及夫山西。蓋語其東則太行爲之屏障。其西則大河爲之襟帶。

於北則大漠陰山爲之外蔽而句注雁門爲之內險於南則首陽底柱析城王屋諸山濱河而錯峙又南則孟津潼關皆吾門戶也汾澮滎流於右漳沁包絡於左則原隰可以貫注漕粟可以轉輸矣且夫越臨晉泝龍門則涇渭之間可折筆而下也出天井下壺關邯鄲井陘而東不可以惟吾所向乎是故天下之形勢必有取於山西

太行一名五行山一名大形山一名王母山又曰女媧山由河南懷慶府城北二十里綿接澤潞遼沁平

定以上是爲天下之脊直隸山西兩省由是區分山
內關口各要前具直隸篇中山西則志稱太行在澤
州南二十里迤邐東北跨陵川壺關潞城黎城遼州
和順武鄉諸州縣境於全山占地特廣陰山今蒙古
呼噶札爾山又曰噶爾札賀邵山水道提綱在吳喇
忒西北境相接不斷自此蜿蜒而東至歸化城吳喇
忒內蒙古旗名句注在今代州西北二十五里一名
西陁山又曰陁嶺又曰雁門洪志雁門山在州西北
三十五里與句注岡隴相接故句注亦兼雁門稱忻

州亦有雁門關。在靜樂縣南。洪氏疑開元時廢代州關後始置。其曰雁門者。山海經所謂飛雁出於其門也。首陽卽雷首山。洪志在蒲州府附郭永濟縣南四十五里。輿地沿革表在縣南三十里。紀要山首起蒲州。尾接太行。

括地志雷首山延長數百里。隨州郡異名一名中條。

山一名首陽山。又有蒲山。厯山。隔山之名。

舜耕厯山。湯升自隔。

此卽山之南阜。卽首陽。夷齊餓死於其下。底柱山亦曰

三門。山底一作砥。洪志在解州平陸縣東五十里。大

河中流。南與陝州接界。元和志禹鑿底柱二石。見於

水中若柱然。河水至此，分爲三派，故亦謂之三門。陝志中神門、南鬼門、北人門，惟人門修廣可行舟。鬼門尤險，三門之廣約三十丈，其東北五十步有峯特立，斯爲底柱。析城山，洪志澤州府陽城縣西南有析城山，初未詳里數。紀要則云在縣西南七十里也。王屋山，洪志在絳州垣曲縣東北，與澤州府陽城縣河南濟源縣接界。紀要山有三重，其狀如屋，里數謂在縣西八十里。沿革表附錄稱周一百三十里，高三十里。孟津，蔣氏禹貢地理今釋，卽今河陽渡，又名富平津。

在河南懷慶府孟縣南十八里潼關見前汾水見上
澮水源出平陽府翼城縣東南山至絳州城南入汾
漳水見前沁水源出沁州沁源縣北之緜山至河南
武陟縣入黃河臨晉洪志於蒲州永濟縣所謂蒲津
關在縣西黃河西岸一名臨晉關互見前陝西篇中
龍門在絳州河津縣西北二十五里有關西與陝西
韓城縣龍門山對峙中通河流形如門闕天井在今
澤州府附郭鳳臺縣南四十五里紀要關當太行絕
頂俗傳孔子將入晉迴車于此宋靖康初賜名雄定